

Safet Kešo, zastupnik SDA u Predstavničkom domu

Parlamentarne skupštine Bosne i Hercegovine

Sarajevo, 10.2.2025.godine

PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		12-02-2025	
Organizaciona jedinica	Klasifikaciona oznaka	Redni broj	Broj priloga
01-	50-1-	408/25	

- Predsjedavajućem PD PS Bosne i Hercegovine
- Dopredsjedavajućim PD PS Bosne i Hercegovine
- Agenciji za unapređenje stranih investicija Bosne i Hercegovine (FIPA)

U skladu sa članom 166. Poslovnika Predstavničkog doma Parlamentarne skupštine Bosne i Hercegovine, želim uputiti nekoliko **pitanja direktoru FIPA Marku Kubatliji**.

U decembru 2024. godine direktor Agencije za unapređenje stranih investicija Bosne i Hercegovine (FIPA) **Marko Kubatlija boravio je u službenoj posjeti Ujedinjenim Arapskim Emiratima**. Vijest o ovoj posjeti objavljena je na zvaničnoj internet stranici Agencije, ali bez priloženih fotografija sa sastanaka koji su navodno održani tokom posjete. Na zvaničnoj Facebook stranici Agencije – ni slova!

U zvaničnom saopćenju Agencije navodi se da se direktor Kubatlija sastao sa direktorom Matiya Investment Group, Jumom Madanijem. S druge strane, u zvaničnom saopćenju g. Jume Madanija stoji da se u tom periodu sastao sa ambasadorom Bosne i Hercegovine u Ujedinjenim Arapskim Emiratima, Bojanom Đokićem, i investitorima iz Bosne i Hercegovine, ne navodeći nikoga iz Agencije za unapređenje stranih investicija kao sagovornika na sastanku.

Imajući u vidu naprijed iznesene uzajamno protivrječne informacije, tražim da mi dostavite odgovore na sljedeća pitanja:

1. Ko je u ime Agencije za unapređenje stranih investicija Bosne i Hercegovine putovao u službenu posjetu Ujedinjenim Arapskim Emiratima?
2. Koje su funkcije osoba koje su putovale u sklopu ove službene posjete?
3. S kim su tačno održani sastanci tokom pomenute posjete? (Molim da dostavite prateće fotografije sa održanih sastanaka).
4. Tražim takođe detaljan prikaz troškova navedenog putovanja, uključujući smještaj i naziv objekta u kojem su smješteni, avionske karte, dnevnice i eventualne dodatne troškove.

S poštovanjem,

Zastupnik:

Safet Kešo